

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Savjet mjesne zajednice  
Mjesna zajednica „Park – Višnjik“



Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Савјет мјесне заједнице  
Мјесна заједница „Парк – Вишњик“

Broj: 11-168/23  
Sarajevo, 15.05.2023. godine

**Skupština Kantona Sarajevo**  
**Mis Irbina 1**  
**71000 Sarajevo**

Босна | Херцеговина-Федерација Босне | Херцеговине  
Кантон Сарајево - ГРАД САРАЈЕВО  
ГРАДСКО ВИЈЕЋЕ

PRIMLJENOST:	30 MAY 2023		
Org. jed.	Broj	Prilog	Vrijednost
01	05-04-830	/	23

**Predmet:** : Zaključak Savjeta, dostavlja se

Poštovani,

Krajem januara ove godine proslijedili smo Vam dopis kojim skrećemo pažnju na neke probleme sa kojima se susreće stanovništvo ne samo MZ „Park-Višnjik“ i Općina Centar već i sve općine Grada Sarajeva. Dva su cilja ovog obraćanja, a to su:

- ukazivanje na svakodnevne probleme sa kojima se susrećemo i
- vaša konkretna reakcija.

Dakle, da formirate interesorne radne krupe kojima bi se zakonski stvorili uvjeti da se počne sa eliminacijom ili ublažavanjem problema sa kojima se susrećemo. Ovim, drugim korakom/pokušajem informišemo i Gradsko vijeće i Gradonačelniku. I njih se, također, tiču ovi problemi.

Sramotna je i neprofisionalna šutnja: Općinskog vijeća Centar, MUP-a KS-a, Vlade Kantona Sarajevo i Skupštine KS-a. Jer, mi smo u centralnoj općini glavnog grada države BiH i 28-oj godini nakon rata. Na naš dopis oglasili su se samo Općinski načelnik Centra i PU Centar, hvala im.

Poruka: Ako ne reagirate na ovo, krajem juna ove godine sazvaćemo konferencija za medije na kojoj ćemo jasno i glasno reći ko su uzročnici ovakvog stanja u našem Sarajevu. I, naravno, idemo dalje a sve u skladu sa zakonskim i civilizacijskim okvirima, a to su protesti.

Prilog:

-dopis od 26.01.2023. godine

S poštovanjem.

**PREDsjEDNIK SAVJETA  
MJESENJE ZAJEDNICE**

Durek Selmedin

**Dostaviti:**

1. Naslovu,
2. Služba za poslove Općinskog vijeća
3. Gradska uprava, Hamdije Kreševlakovića br.3,  
n/r Benjamina Karić
- 4) Gradsko vijeće Grada Sarajeva
5. Odsjek za mjesnu samoupravu,
6. Arhivi

## Pitanja na koja niko nema pravi odgovor

Poštovani,

Mi, članovi Savjeta MZ „Park-Višnjik“, punu godinu dana obnašamo ovu za građane možda i bitnu funkciju, ali za ove iznad nas, Općina, Kanton i sl., skoro pa i nevažnu. Osvrnućemo se samo na tri životna, mada su i ostala važna, pitanja, a to su 1. Bezbjednost, 2. Čistoća i 3. Saobraćaj u mirovanju. No, pođimo redom:

### **1. Bezbjednost**

Policajac u ophodnji za stanovništvo spomenute MZ-e misaona je imenica. Doduše, projure oni našim ulicama u službenim automobilima, ali ko od toga ima koristi. Građani sigurno ne. Prethodnih godina obijani su automobili na parkiznimis pred zgradama, građani prijavljivali, rezultati nikakvi. Stalna je praksa obijanja boksova u podrumima, koje koriste etažni vlasnici, prijave otišle, rezulati istrage nepoznati. Provaljivanja u garaže je bilo također aktuelno. Oštećenja mobilijara, ograda u parkovima, elektro-stubova, kontejnera za smeće i sl. redovna su pojava. Psi latalice i mačke dođu nam kao prvi susjedi. Djeca i mladi, kada padne mrak, ni slučajno ne smiju sama od autobuski stajališta do ulaza u zgrade. Tu se često „motaju“ neke nepoznate osobe.

U prethodnoj godini bili smo uporni pa stalno insistirali na rješavanju pojednih vitalnih pitanja iz ove oblasti. Uspjeli smo izdjstovati da kod škola i bolnica nadležni postave „ležeće policajce“ ili slične zapreke, da djelomično sposobimo rasvjetu između zgrada i na glavnim ulicama. Dakle, pravi problem je nedostatak policajaca u ophodnji po MZ. Ako nam kažete da vam nedostaje znatan broj tog kadra, mi vam baš i ne vjerujemo. Ministri, načelnici i ostali uposlenici primaju pune plate, a posao nedostajućih policajaca niko ne obavlja.

### **2. Čistoća**

Nema niti jednog segmenta iz oblasti čistoće koji bi dobio prolaznu ocjenu. Pranje ulica je tako rijetko bilo da smo zaboravili da to i postoji. A pranje ulica između, okolo stambenih zgrada misaona je imenica. Odvoz smeća mogao bi i dobiti prolaznu ocjenu, ali lokacije kontejnera i planovi u vezi sa tim nisu krenuli od nule. Unutar MZ postoji

nekoliko „džungli“ sa pravim deponijama smeća. Eklatantan primjer je „džungla“ od „Delte“ prema UKC-u. Tu su vlasnici ugostiteljski objekata, a bogami i „Delta“ poklopili koliko im treba, a u ostatku bacaju kabasto i ostalo smeće. Vrijedne službenike iz općinskih službi ne sikira ta usurpacija općinskog grunta, nije njihova i nisu je donijeli kada su se doselili u Sarajevo. Sjeća rastinja i potkresivanje visokog drveća je isto tretirano kao i prethodno. Košenje trave između zgrada bilo je 1-2 puta u toku godine, dok je čišćenje saobraćajnica između zgrada, kupljenje i odvoz lišća bilo nula. Druga „džungla“ bila je u ulici Bolnička 3 i tu su, nakon našeg upornog insistiranja, podsjećena stabla i šiblje, ali je i dalje ostalo pogodno mjesto za bacanje smeća. Čemu li služi komunalna inspekcija. Treća „džungla“ je kod Taxi standa na unutarnjoj saobraćajnici iz ul. Patriotske lige prema zgradama Bolnička 9 i 11. Tu je nekada bila „Ćevabdžinica“ koja je napuštena prije pet godina (objekat adaptiran od dvije garaže) i za to vrijeme niko iz Općine-Centar nije poduzeo ništa da „vlasnik“ divlje izgrađene ćevabdžinice ukloni objekat. A, na kraju, zašto bi se Općina i miješala u svoj posao. Ima još jedna „džungla“ na Višnjiku, ali o njoj drugi put.

### **3.Saobraćaj u mirovanju**

Najmanje tri hiljade vlasnika automobila svaki dan, osim subote i nedjelje, traži „svoje“ parking mjesto u ulicama koje pripadaju MZ „Park-Višnjik“. I, znate gdje ga nađu: na jednoj od traka saobraćajnica, trotoarima, autobusnim stajalištima, ispred ulaza u javne zgrade i zgrade za stanovanje, ispred privatnih garaža, na zelenim površinama i na ostalim mjestima gdje mogu parkirati. A to što smeta vozilima javnog saobraćaja i drugim automobilima koji tuda prometuju, vozilima hitne pomoći i vatrogasnim vozilima koja ne mogu doći ni blizu mjesta sa kojeg su pozvani, šta koga briga. Da ne spominjemo da vlasnici garaža ne mogu doći do svojih automobila i dà starije osobe i mame sa dječijim kolicma ne mogu izaći niti ući u zgradu. I tako svakih prvih pet dana u nedjelji, i svih 12 mjeseci u godini i tako zadnjih 10-tak godina, permanentno. Užas, užas, užas, a na sramotu izvršne i zakonodavne vlasti i općinske administracije u Kantonu Sarajevo i Općini Centar.

Postoji parking u ul. Patriotske lige do br. 1. (koncesionar Mustafa Mulić, SDA-ov biši predsjednik OV-a Cerntar) pa parking ispred „Zetre“, pa veliki parking kod Stadiona „Asim Ferhatović Hase“, kao i niz manjih parkinga. A što bi plaćali parking kad postoji ogroman broj „neprofesionalaca“ koji bi mogli to riješiti, ali im niko to ne plaća, plata je kod njih stalna kategorija, a ovo ostalo je poželjno i to što češće i u što većem iznosu. Predlagali smo i izgradnju podzemnih garaža na dvije lokacije u našoj MZ, ali općinske službe kaže da je to kompleksan problem i zahtjeva upotrebu mozga.

### **Prijedlog za početak rješenja ovih i mnogih drugih problema:**

1. *Formiranje nekoliko interesornih radnih grupa, predstavnika ministratstava KS-a i predstavnika općina sa područja KS-a, na kojima bi se razmotrio, definisao*

(prijedlog, plan ili nešto drugo i predložio Skupštini KS-a na usvajanje, a koji se odnosi na ovlasti koje su sa općina „prenesene“ na KS.

2. Posebna sjednica ili u krajnjem slučaju i jedna tačka dnevnog reda Općinskog vijeća u okviru koje bi se analizirali izvještaji o radu MZ-a i Savjeta MZ-a, donijele smjernice, koje bi bile obavezujuće, za prevazilaženje uočenih problema.
3. Sazvati Skupštinu KS-a, Konferenciju za sredstva informiranja na kojima bi se novinari, a i javnost, upoznali o onome šta će se raditi na povratu nadležnosti sa KS na općine. Odnosno, omogućiti stanovnicima KS da mogu normalno funkcionirati i da nema prepreka za kretanje i svakodnevnu komunikaciju.

**U slučaju da spomenuti organi ništa ne preduzmu Savjet MZ „Park-Višnjik“ će:**

1. Početkom marta mjeseca 2023. godine sazvati Konferenciju za sredstva informisanja i upoznati ih sa sadržajem ovog dopisa.
2. Također, organiziraćemo, najmanje jednom mjesечно, zakonom dozvoljene, proteste na kojima ćemo informisati šta organi (ne)rade po ovom dopisu.

Nadamo se da ćete ozbiljno shvatiti ovu sugestiju i početi raditi na njenoj realizciji.

Sarajevo, 26.01.2023. god.

**SAVJET MZ „Park-Višnjik“:**